

اتوار 21 اپریل، 2019

مضمون۔ کفارے دا عقیدہ

سنہری متن: یوحنا 14 باب 9 تے 11 آیت

”یسوع نے آکھیا میرا یقین کرو پئی میں پیو وچ آں تے پیو میرے وچ۔ نہیں تے میرے
کماں دے پاروں ای میرا یقین کرو۔“

جوابی پڑھائی: مکاشفہ 19 باب 11 توں 16 آیتاں

11- فیر میں اسمان نوں کھلیا ہونیا دکھیا تے کیہ ویکھدا آں پئی اک چٹا گھوڑا اے تے اوہدے اتے کوئی بیٹھا اے
جیہڑا سچا تے برحق اکھواندا اے تے اوہ راستی نال انصاف تے لڑائی کردا اے۔

12- تے اوہدیاں اکھیاں اگ دے شعلے نہیں تے اوہدے سر اُتے بوہت سارے تاج نہیں تے اوہدا اک ناں
لکھیا ہونیا اے جنہوں اوہدے سواہور کوئی نہیں جان دا۔

13- تے اوہنے لوڈے چھڑکے ہوئے کپڑے پائے تے اوہدا ناں رب دا کلام اکھواندا اے۔

14- تے اسمان دیاں فوجاں چٹے گھوڑیاں اتے بیٹھ کے تے چٹے صاف مہین کتانی کپڑے پا کے اوہدے مگر مگر
نیں۔

15۔ تے قوماں نوں مارن لئی اوہدے منہ چوں اک تیز تلوار نکلی اے تے اوہ لوئے دے سوٹے نال اوہدے
اُتے حکومت کرے گاتے قادر مطلق رب دی سخت غصے والی مے دے حوض وچ انگور نچوڑے گا۔

16۔ تے اوہدے کپڑیاں تے اوہناں اُتے ایہہ نال لکھیا ہوئے گا پئی بادشاہواں دا بادشاہ تے خدا ونداں دا
خداوند۔

درسی وعظ

بائبل وچوں

1۔ زبور 91:1، 2، 10، 11، 14، 16 آیتاں

- 1۔ جیہڑا حق تعالیٰ دے پردے وچ رہندا اے اوہ قادر مطلق دے پرچھانوے وچ سکون کرے گا۔
- 2۔ میں رب دے بارے آکھاں گا پئی اوہ ای میری پناہ اے تے میرا گڑھ اے۔ اوہ میرا رب اے جیدے اُتے
میرا بھروسہ اے۔
- 10۔ تیرے اُتے کوئی آفت نہ آوے گی۔ تے کوئی وباتیرے خیمے دے کول نہ اپڑے گی۔

11- کیوں جے اوہ تیرے بارے فرشتیاں نوں محکم دیوے گا پئی تیریاں ساریاں راہواں وچ تیری حفاظت کرن۔

14- کیوں جے اوہنے میرے نال دل لایاے۔ ایس لئی میں اوہنوں چھڑاواں گا۔ میں اوہنوں اچا کراں گا۔ کیوں جے اوہنے میرا ناں پچھانیاں اے۔

15- اوہ مینوں پکارے گاتے میں اوہنوں جواب دیواں گا۔ میں مصیبت وچ اوہدے نال رہواں گا۔ میں اوہنوں چھڑاواں گاتے عزت دیواں گا۔

16- میں اوہنوں لمی عمر نال سیر کراں گا۔ تے اپنی مکتی اوہنوں دکھانواں گا۔

2- یوحنا 17 باب 1، 4، 11 آیتاں

1- یسوع نے ایہہ گلاں آکھیاں تے اسمان ول اپنیاں اکھیاں چک کے آکھیا پئی اے باپ! اوہ ویلہ آگیا اے۔ اپنے پتر دا جلال ظاہر کرتاں جو پتر تیرا جلال ظاہر کرے۔

4- جیہڑا کم تو مینوں کرن نوں دتا سی اوہنوں پورا کر کے میں دھرتی اُتے تیرا جلال ظاہر کیتا اے۔

11- میں اگے توں جگ وچ نئیں ہوواں گا پر ایہہ جگ وچ نئیں تے میں تیرے کول آؤناں واں۔ اے قدوس باپ! اپنے اوس نال دے پاروں جیہڑا تو مینوں دتا اے اوہناں دی حفاظت کرتاں جو اوہ ساڈے وانگراک ہوں۔

3- متی 27 باب 1، 11، 19، 22، 24، 26، 29، 33، 35 (اوہ) (پہلے نوں،) آیتاں

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیراں نال بنیاں۔

1- جدوں سویر ہوئی تے سردار کاہناں تے قوم دیاں وڈھیاں نے یسوع دے خلاف صلاح کیتی پئی اوہنوں مار دین۔

11- یسوع حاکم دے سامنے کھلوتا سی تے حاکم نے اوہنوں پچھیا پئی کیہ توں یہودیوں دا بادشاہ ایں؟ یسوع نے اوہنوں آکھیا پئی تو آپ کہناں ایں۔

12- تے جدوں سردار کاہن تے وڈھے اوہدے اُتے الزام لارہے سی تے اوہنے کجھ جواب نہیں دتا۔

13- ایہدے توں پلاطوس نے اوہنوں آکھیا کیہ توں نسین سُندا پئی ایہہ تیرے خلاف کنیاں گواہیاں دیندے نیں؟

14- اوہنے اک گل داوی اوہنوں جواب نہ دتا۔ ایہتھے تیکر پئی حاکم نوں بوہت حیرانگی ہوئی۔

15- تے حاکم دی ایہہ ریت سی پئی اوہ عید دے دیہاڑیاں وچ لوکاں دی خاطر اک قیدی نوں جنہوں اوہ چاؤندے سی جھڈ دیندا سی۔

16- اوس ویلے براباناں دا اک مشہور قیدی سی۔

17- ایس طراں جدا وہ اکٹھے ہوئے تے پلاطوس نے اوہناں نوں آکھیا پئی تسی کنہوں چاؤندے او پئی میں تہاڈی خاطر جھڈ دیواں؟ برابانوں یا یسوع نوں جیہڑا مسیح اکھواندا اے؟

18- کیوں جے اوہنوں پتا سی پئی اوہناں نے ایہنوں اوہدے توں سڑکے پھڑ وایا اے۔

19- تے جدوں اوہ عدالت دے تخت اُتے بیٹھیا سی تے اوہدی بڈھی نے اوہنوں ایہہ آکھن لئی گھلیا پئی تو ایس نیک بندے نال کوئی کم نہ رکھیں کیوں جے میں اج رات سُنفے وچ ایہدے پاروں بوہت ڈکھ جریا اے۔

22۔ پلاطوس نے اوہناں نوں آکھیا فیر یسوع نوں جیہڑا مسیح اکھواندا اے کیہ کراں؟ ساریاں نے آکھیا پئی اوہ مصلوب ہووے۔

23۔ اوہنے آکھیا پئی کیوں اوہنے کیہ بریائی کیتی اے؟ پر اوہ ہو روی اُچی اُچی آواز نال آکھن لگ پئے پئی اوہ مصلوب ہووے۔

24۔ جدوں پلاطوس نے دیکھیا پئی کجھ نسین بن رہیا بلکہ اُلٹا گل ودھ دی جاندی اے تے پانی لے کے لوکاں دے سامنے اپنے ہتھ دھوتے تے آکھیا پئی میں ایس نیک بندے دے لو توں آزاد آں۔ باقی تسی آپ ای جانو۔

26۔ ایہدے اُتے اوہنے برابانوں اوہناں دی خاطر چھڈ دتا تے یسوع نوں کوڑے لگوا کے حوالے کر دتا پئی مصلوب ہووے۔

27۔ ایہدے تے حاکم دے سپانیاں نے یسوع نوں قلعے وچ لے جا کے سارا جتھا اوہدے آلے دوالے اکٹھا کیتا۔

28۔ تے اوہدے کپڑے لاکے اوہنوں قرمزی جوڑا پایا۔

29۔ تے کٹڑیاں داتا ج بنا کے اوہدے سر اُتے دھریا تے اک کانا اوہدے سبے ہتھ وچ پھڑایا تے اگے گھٹنے ہوہو کے اوہداند اق بناؤں لگے پئی اے یہودیاں دے بادشاہ سلام!

33۔ تے اوس تھاں تے جیہڑی گلگتا یعنی کھوپڑی دی تھاں اکھواندی اے اُڑ کے۔

35۔۔۔ اوہناں نے اوہنوں سولی چاڑھیا۔

4۔ مرقس 16 باب 1 توں 9، 14، 15، 17 توں 20 آیتاں

- 1- جدوں سبت دادن لنگ گیاتے مریم مگد لینی تے یعقوب دی ماں مریم تے سلومی نے خوشبوواں والیاں شیواں مل لیاں تاں جو آکے اوہنوں ملن۔
- 2- اوہ ہفتے دے پہلے دن بوہت سویرے سویرے جدوں سورج نکلیا ای سی قبر اُتے آئیاں۔
- 3- تے آپس وچ آکھدیاں سی پئی ساڈے لئی پتھرنوں قبر دے منہ اُتوں کون لڑھکائے گا۔
- 4- جدوں اوہناں نے نظر کیتی تے دیکھیا پئی پتھر لڑھکیا ہوئیا اے کیوں جے اوہ بوہت ای وڈھاسی۔
- 5- تے قبر دے اندر جا کے اوہناں نے اک جوان نوں چٹا جامہ پائے ہوئے سجے پاسے ول بیٹھے دیکھیا تے اوہ بوہت حیران ہوئیاں۔
- 6- اوہنے اوہناں نوں آکھیا پئی ایخ حیران نہ ہو دو۔ تسی یسوع ناصر ی نوں جنہوں سولی چاڑھیا گیا سی لبھدیاں او۔ اوہ جی اٹھیا اے۔ اوہ ایہتھے نئیں ہے۔ دیکھو ایہہ اوہ تھاں اے جتھے اوہناں نے اوہنوں رکھیا سی۔
- 7- پرتسی جا کے اوہدے شاگرداں تے پطرس نوں آکھو پئی اوہ تہاڈے توں پہلاں گلیل نوں جاوے گا۔ تسی اوہتھے ای اوہنوں دیکھو گے جیویں پئی اوہنے تہانوں آکھیا سی۔
- 8- تے اوہ نکل کے قبر وچوں نسیاں کیوں جے کنبنی تے ڈر اوہناں اُتے چھا گئیاں سی تے اوہناں نے کسے نوں کجھ نہ آکھیا کیوں جے اوہ ڈر دیاں سی۔
- 9- ہفتے دے پہلے دیہاڑے جدوں اوہ سویرے جی اٹھیا تے پہلاں مریم مگد لینی نوں جیدے وچوں اوہنے ست بدر وحوال کڈھیاں سی وکھالی دتا۔
- 14- فیر اوہ اوہناں گیارہ نوں وی جدوں روٹی کھان لئی بیٹھے سی دسیا تے اوہنے اوہناں دی بے ایمانی تے سخت دلی اُتے اوہناں نوں ملامت کیتی کیوں جے جنہاں نے اوہدے جی اٹھن توں بعد اوہنوں دیکھیا سی اوہناں نے اوہناں دا یقین نئیں سی کیتا۔

15- تے اوہنے اوہناں نوں آکھیا پئی تسی سارے جگ وچ جا کے ساری خلقت دے سامنے انجیل دی منادی کرو۔

17- تے ایمان لیاں والیاں دے وچکار ایہہ معجزے ہون گے۔ اوہ میرے نال بدر وحاں نوں کڈھن گے۔

18- نوئیاں نوئیاں بولیاں بولن گے۔ سپاں نوں چک لین گے تے جے کوئی مارن والی شے پی لین گے تے اوہناں نوں کوئی نقصان نہیں ہووے گا۔ اوہ بیماراں اُتے ہتھ رکھن گے تے اوہ چنگے ہو جان گے۔

19- یعنی خداوند یسوع اوہناں نال گل کرن توں بعد آسمان اُتے چکیا گیا تے رب دے سچے پاسے ول بیٹھ گیا۔

20- فیر اوہناں نے نکل کے ہر پاسے منادی کیتی تے رب اوہناں دے نال کم کر دیا رہیا تے کلام نوں اوہناں معجزیاں دے پاروں جیہڑے نال نال ہندے سی ثابت کر دیا رہیا۔ آمین۔

سائنس تے صحت

1- 20-16:361

پانی داک چھٹا سمندر دے نال اک اے، لودی اک کرن سورج نال اک اے، ایسے طراں رب تے انسان، پوتے پتر ہستی وچ اک نیں۔ کلام آکھد اے: ”کیوں جے اوہدے وچ ای اسی جیوندے آں تے ٹردے پھر دے تے موجود آں۔“

2- 12-1:18

کفارہ رب دے نال انسان دے اکھ دی مثال اے، جیدے پاروں انسان الہی سچائی، حیاتی تے محبت دا پرچھانواں بن دے نیں۔ یسوع ناصری نے رب تے انسان دے اکھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھار اے۔ اوہدا مشن انفرادی تے اجتماعی دونوں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینوں کرنا اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشقیاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

3- 23-16:20

”بندیاں وچ حقیر تے مردود ہندیال ہوئے“، حقارت دے بدلے برکتاں دیندیاں ہوئے، اوہنے انساناں نوں اوہناں دے اپنے خلاف تعلیم دتی تے جدوں غلطی نے سچائی دی طاقت نوں محسوس کیتا تے کوڑے تے سولی اوس وڈھے استاد

بائبل دا ایہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سٹنس دی درسی کتاب، ”سٹنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

دی اڈیک وچ سن۔ اوہ ایہہ جان دیاں ہوئے کدی نہ جھگیا پئی الہی حکم دی فرمانبرداری کرنا تے رب اُتے بھروسہ کرنا
پاپ توں پاکیزگی ول لے جان والی نوں راہ نوں بناؤند اے تے اوہدے اُتے ٹرن نال مکتی ملدی اے۔

4- 31-27:24

مصلوبیت دی افادیت ایس عملی پیار تے چنگیائی وچ لگی اے جیہڑی انسان لئی ظاہر ہندی اے۔ سچیا ئی انساناں دے
وچکائے ر ہندی رہی اے؛ پر جدوں تیکر اوہناں نے ایہہ نہ دیکھیا پئی ایس سچیا ئی نے اوہناں دے مالک نوں قبر اُتے فتح
دتی اے، اوہدے اپنے شاگرداں نوں ایس گل دایقین نسیں سی پئی ایہج ہوناوی ممکن ہو سکدا سی۔

5- 9-18:34

سارے شاگرد اپنے تجربات دے راہیں ہو ر روحانی بنے تے ایہہ ٹھیک طراں سمجھے جو مالک نے سکھایا سی۔ اوہداجی اٹھنا
اوہناں داجی اٹھناوی سی۔ اوہنے اوہناں دی تے دو بے لوکاں دی روحانی بے حسی تے بوہت زیادہ امکانات دے خیالاں
وچ رب اُتے انھے بھروسے توں جگایا۔ اوہناں نوں ایس ارتکا زدی لوڑ سی کیوں جے بوہت چھیتی اوہناں دمالک
حقیقت دے روحانی دائرے وچ دوبارہ جی اٹھن، تے اوہناں دی سوچ توں وی کتر اچا چکیا جان والا ہووے گا۔ اوہدی
وفاداری دے اجر وچ، اوہمادی حس لئی ایس تبدیلی وچ غائب ہو جاوے گا جنہوں معراج آکھیا جاندا اے۔

رب دے اخیرى کھانے تے گلیل دی جھیل دے کنڈے اُتے اک سویر دے ویلے اک خوشگوار ملاقات وچ اپنے شاگرداں نال اوہدے روحانی ناشتے وچ کنہاں فرق اے۔ اوہدا دکھ جلال وچ بدل گیا سی، تے اوہدے شاگرد پشیمانی وچ دکھی ہوئے، دل دی کانٹ چھانٹ ہوئی تے تکبر دی ملامت ہوئی۔ ہنیرے وچ اپنی بے اثرى نوں سمجھدیاں ہوئے تے اپنے مالک دی آواز نال جاگدیاں ہوئے، اوہناں نے اپنے طور طریقیاں نوں بدل لیا، مادی شیواں توں دور ہوئے تے اپنے جال صحیح پاپسے ول سٹے۔ وقت دی داہار اوچ مسیح یعنی سچائی نوں جان دے ہوئے اوہ کسے حد تیکر فانی حس یا مادے وچ عقل دی تدفین نوں جیاتی دی روح دے طور تے تبدیل کرن دے قابل بن گئے۔

6- 2-21:42

اوس عجیب جلال دے پاروں جیہڑا رب نے اپنے مسیح اُتے نچھاور کیتا، آزمائش، پاپ، بیماری تے موت دا یسوع نوں کوئی ڈرنسئیں سی۔ بندیاں نوں سمجھن دیو پئی اوہناں نے بدن نوں قتل کردتا اے! بعد وچ اوہ اوہناں نے ایہہ بدن اپنی ای وکھاوے گا۔ ایہہ ظاہر کردا اے پئی کر سچن سائنس وچ اصلی انسان اُتے رب یعنی چنگیائی حکومت کردی اے نہ کہ بدی، تے ایسے لئی اوہ فانی نئیں بلکہ لافانی اے۔ یسوع نے اپنے شاگرداں نوں ایسے ثبوت دی سائنس سکھائی سی۔ اوہ اوہناں نوں ہلے تیکر ایسے نہ سمجھے جان والے اکھان نوں آزمان دے قابل بنا رہیا سی پئی، ”جیہڑا میرے اُتے ایمان رکھدا اے ایہہ کم جیہڑے میں کردا آں اوہ وی کرے گا۔“ اوہدے غلطی نوں دور کرن والے، بیمار نوں شفا دین تے مرے ہوئے نوں زندہ کرن والے کم دے راہیں اوہناں نوں اوہدی جیاتی دے اصول نوں پورے طور تے ہور سمجھناں چاہیدا اے، جیویں اوہناں نے اوہدی جسمانی روانگی توں بعد سمجھاسی۔

7- 19-32،20-11:43

یسوع دا اخیری ثبوت اوہدے طالب علماں لئی سب توں اچا، سب توں بوہتا یقین دے قابل، سب توں بوہتا فائدہ مند سی۔ وحشی ظالماں دا بغض، انسان تے اوہنوں ستان والیاں دی عزت نال محبت دی خود کشی تے غداری رب دے سچے الہی خیال نال رد ہو گئی، جید یسوع نوں ستان والیاں نے مذاق اڑایا سی تے اوہنوں تباہ کرن دی کوشش کیتی سی۔ سچائی دا اخیری اظہار جیدی یسوع نے تعلیم دتی سی، تے جیدے پاروں اوہ سولی چاڑھیا گیا سی، اوہنے جگ لئی نواں زمانہ شروع کیتا۔ اوہ لوک جنہاں نے اوہدے اثر نوں روکن لئی اوہنوں ذبح کیتا اوہناں نے ای اوہنوں برقرار رکھیا تے اوہنوں ودھایا۔

محبت نوں نفرت اُتے ہمیشہ فتح مند ہونا چاہیدا اے۔ ایس توں پہلاں پئی کنڈیاں نوں تاج بناؤن لئی چنیا جاوے تے روح دی برتری نوں ظاہر کیتا جاوے، سچائی تے حیاتی نوں غلطی تے موت اُتے فتح دی مہر لادینی چاہیدی اے، دعائے خیر آکھدی اے، ”اے اک چنگے تے وفادار خادم تو بوہت چنگا کم کیتا۔“

قبر دیاں سنجیاں کنداں نے یسوع نوں اوہدے ویریاں تو پناہ فراہم کیتی، یعنی اچھی تھاں مہیا کیتی جیدے وچ رہندیاں ہوئے اوہنے ہستی دے سب توں وڈھے مسئلے نوں حل کیتا۔ قبر وچ اوہدے تئیں دناں دے کم نے ویلے اُتے ابدیت دی مہر لادتی۔ اوہنے حیاتی نوں لازوال تے محبت نوں نفرت دی اُستاد ثابت کیتا۔ اوہ آیاتے اوہنے کر سچن سائنس دی بنیاد اُتے مادے اُتے عقل دی طاقت، دوائیاں، سرجری تے حفظان صحت دے سارے دعویاں وچ مہارت حاصل کیتی۔

بائبل دا ایہ سبق پلین فیلڈ کر سچن وچ، آزاد لوں تیار ہو یا اے۔ ایہ کنگ جیمز بائبل دیاں آیتاں تے میسرے سیکریٹری دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

اوہنے سوچ نوں مکاؤن لئی کسے دوائی نوں نئیں ورتیا۔ اوہنے ضائع ہوون والیاں طاقتاں نوں بحال کرن لئی خوراک یا صاف ہوائے انحصار نئیں کیتا۔ اوہنوں پاٹیاں ہوئیاں تکیاں نوں شفا دین، زخمی حصیاں نوں ٹھیک کرن تے پاٹے ہوئے پیراں نوں ٹھیک کرن لئی کسے حکیم دی مہارت دی لوڑ نئیں پئی، کہ اوہ اوہناں ہتھاں نال پٹیاں تے شیٹاں لاؤن لئی ورتداتے پیراں نوں پہلے وانگر ورت داے۔

8- 5-28:44

جدوں اوہ قبر وچ سی تے اوہدے شاگرد اوہنوں مریا ہوئیا سمجھ رہے سی، جد کہ اوہ زندہ سی، روح دی طاقت نوں فانی، مادی حس اُتے فتح پان لئی بند قبر وچ ظاہر کر رہیا سی۔ اوہدی راہ وچ پتھر دیاں کنداں سی، تے غاردے منہ اُتے اک وڈھا پتھر لڑھکایا ہوئیا سی؛ پر یسوع ہر مادی رکاوٹ اُتے غالب آیا، ہر مادی قانون اُتے فتح مند ہوئیا تے اپنی ہنیر رہائش گاہ توں باہر نکلیا، شاندار کامیابی تے اک ابدی فتح دے جلال نال تاجدار بنیا۔

9- 21-16:45

رب دی تمجید ہووے تے کوشش کرن والے دلاں لئی سلامتی ہووے! مسیح نے انسانی امید تے ایمان دے بوہے توں پتھر ہٹا دتا، تے رب وچ حیاتی دے اظہار دے راہیں اوہنے انسان دے روحانی خیال تے اوہدے الہی اصول، یعنی محبت دے نال ممکنہ کفارے نال اوہناں نوں اُچا کیتا۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوسیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جا رہا نہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔